

Հերևանք

Առկա է անհամապատասխանություն ավագանու որոշումների և ՀՀ կրթության և գիտության նախարարի 2007 թ. հունվարի 26-ի ՀՀ պետական և համայնքային նախադպրոցական ուսումնական հաստատությունների օրինակելի հաստիքացուցակը, խմբերի խտությունը, նորմատիվները հստատելու մասին» N 29-Ն հրամանի պահանջների: Նշենք նաև որ 2018 թվականից նախարարի հրամանով սահմանված հաստիքային միավորները պարտադիր նվազագույնն են: Հիմնադրի կողմից լրացուցիչ բյուջետային միջոցների կամ հաստատության արտաբյուջեի առկայության դեպքում կարող են տրամադրվել լրացուցիչ հաստիքներ:

Առաջարկություն

Առկա հաստիքային միավորները համապատասխանեցնել ՀՀ կրթության և գիտության նախարարի 2007 թ. հունվարի 26-ի ՀՀ պետական և համայնքային նախադպրոցական ուսումնական հաստատությունների օրինակելի հաստիքացուցակը, խմբերի խտությունը, նորմատիվները հստատելու մասին» N 29-Ն հրամանի պահանջներին:

Համայնքապետարանի դիրքորոշումը

2019 թվականին համայնքային ոչ առևտրային կազմակերպությունների հաստիքացուցակները համապատասխանեցվել են Հայաստանի Հանրապետության Կրթության և գիտության նախարարի 2007 թվականի հունվարի 26-ի N 29-Ն հրամանով հաստատված «Հայաստանի Հանրապետության պետական և համայնքային նախադպրոցական ուսումնական հաստատությունների օրինակելի հաստիքացուցակ»-ի պարտադիր նվազագույն հաստիքային միավորներին:

Հաշվեքննության արձանագրությունում «Լիանա» համայնքային ոչ առևտրային կազմակերպության 2017-2018թթ. հաստատված հաստիքացուցակներում «բակապահ»-ի հաստիքի անհամապատասխանությունը օրինակելի հաստիքացուցակին մեխանիկական վրիպակ է՝ հաստիքացուցակում գրված է դռնապան, տարիֆիկացիայում՝ բակապահ:

36. Գյումրու համայնքապետարանի ենթակայության մշակույթի բնագավառի ՀՈԱԿ-ներում 2017-2018 թթ. արձանագրված թերությունների վերաբերյալ

Անհամապատասխանություն

Հաշվեքննության ընթացքում ուսումնասիրվել են ՀԱ. Ալիխանյանի անվ. տիկնիկային թատրոն» ՀՈԱԿ, ՀԱՎ.Խսահակյան տուն թանգարան» ՀՈԱԿ, ՀՄ.Մկրտչյանի տուն թանգարան» ՀՈԱԿ, ՀՀ. Շիրազի տուն թանգարան» ՀՈԱԿ, ՀՄարիամ և Երանուհի Ասլամազյան քույրեր պատկերասրահ» ՀՈԱԿ, որի արդյունքում պարզվել է, որ այցելությունների համար նախատեսված տոմսերը չեն համարակալվել և չեն հաշվառվել /նշված չէ տպված տոմսերի քանակը, վաճառված տոմսերի քանակը և մնացորդները/, այլ ուղղակի

պատճենահանվում են, կնքվում են հաստատության կնիքով և վաճառվում որպես մուտքի տոմս /չեն հանդիսանում խիստ հաշվառման փաստաթուղթ/:

Հեղևանք

Հաշվի առնելով, որ այցելությունների համար նախատեսված տոմսերը չեն համարակալվել և չեն հաշվառվել /չեն հանդիսանում խիստ հաշվառման փաստաթղթեր/, հետևաբար դրանց վաճառված քանակի և մուտքերի վերաբերյալ կարծիք տալ հնարավոր չէր:

Առաջարկություն

Ձեռնարկել համապատասխան միջոցներ այցելությունների համար նախատեսված տոմսերը հաշվառման փաստաթղթերով վաճառելու և դրանց վաճառված քանակը վերահսկելի դարձնելու ուղղությամբ:

Համայնքապետարանի դիրքորոշումը

“Հ.Շիրազի հուշատուն-թանգարան” ՀՈԱԿ-ում 2017 թվականի ավագանու որոշմամբ սահմանվել է համայնքային ենթակայության թանգարանների մուտքի վճար, և այցելուներին սպասարկելու համար ինքնուրույն ստեղծվել են տոմսեր և այցելուները հաշվառվել են գրանցամատյանում:

“Ավ.Իսահակյանի հուշատուն-թանգարան” ՀՈԱԿ-ում 2017 թվականի հուլիս ամսից ավագանու որոշմամբ սահմանվել է համայնքային ենթակայության թանգարանների մուտքի վճար: Այցելուների սպասարկման համար տոմսեր չեն եղել, սակայն առկա է եղել գրանցամատյան համապատասխան սյունակներով, որտեղ հաշվառվել են բոլոր այցելուները:

“Մ.Մկրչյանի թանգարան “ ՀՈԱԿ-ում նույնպես 2017 թվականից Գյումրու ավագանու որոշմամբ սահմանվել է համայնքային ենթակայության թանգարանների մուտքի վճար, մինչև 2018 հունվար ամիսը տոմսերը համարակալված չեն եղել, սակայն գրանցվել են համապատասխան մատյանում: Սկսած 2018 թվականի հունվար ամսից տոմսերը արդեն համարակալվել են և դրանց վաճառքի և քանակի, վերաբերյալ տեղեկատվությունն արդեն հստակեցվել է:

“Մ. և Ե. Ասլամազյան քույրերի պատկերասրահ” ՀՈԱԿ-ում նույնպես 2017 թվականին ավագանու որոշմամբ սահմանվել է համայնքային ենթակայության թանգարանների մուտքի վճար և գործընթացը կազմակերպելու համար ստեղծվել են համարակալված տոմսեր, որոնք հաշվառվել են գրանցամատյանում:

“Ա.Ալիխանյանի անվ. Տիկնիկային թատրոն” ՀՈԱԿ-ը իր տոմսերը մշտապես ձեռք է բերել նույն սխեմայով: Քանի որ պարտադիր կերպով գրանցամատյանում հաստատվում է ձեռք բերված տոմսերի քանակը, այնուհետ վաճառված տոմսերից գոյացած գումարը մուտք է արվում և ըստ մեկ տոմսի արժեքի հաշվվում է թե քանի տոմս է վաճառվել և քանիսն է մնացորդ, հետևաբար տոմսերի վաճառված քանակի և մուտքերի վերաբերյալ բնորոշումը հիմնավորված է, որ թատրոնի տոմսերը գտնվում են խիստ հաշվառման տակ:

Բոլոր թանգարանների համար տրվել է նաև հսկիչ դրամարկղային մեքենայի ձեռքբերման հայտ և սպասվում է ՊԵԿ-ի կողմից դրանց տրամադրմանն, ինչն էլ լրացուցիչ վերահսկողություն միջոց կհանդիսանա տոմսերի վաճառքի իրականացման ուղղությամբ:

37. Գյումրու «Ա. Բրուսյանի անվան թիվ 4 երաժշտական դպրոց» ՀՈԱԿ-ի կողմից իրականացված գնման վերաբերյալ

Անհամապատասխանություն

Գյումրու «Ա. Բրուտյանի անվան թիվ 4 երաժշտական դպրոց» ՀՈԱԿ-ի և ֆիզիկական անձի միջև 03.07.2017թ. կնքվել է պայմանագիր «BLUTHNER» մականիշի կոնցերտային ոռյալի ձեռքբերման համար 4,500.0 հազ. դրամ գումարով: ՀՈԱԿ-ի և ֆիզիկական անձի միջև նույն օրով 03.07.2017թ. կազմվել է թիվ 1 գնման ակտ: Կոնցերտային ոռյալը ընդունման-հանձնման արձանագրության համաձայն հանձնվել է ՀՈԱԿ-ին միայն 21.10.2017թ.: Կոնցերտային ոռյալի շուկայական արժեքը համաձայն «Ա.Գ. Էսթեյթ» ՍՊԸ-ի հաշվետվության, որը ներկայացվել է «Ա. Բրուտյանի անվան թիվ 4 երաժշտական դպրոց» ՀՈԱԿ-ին կազմել է 5,750.0 հազ. դրամ: Ձեռքբերված ոռյալի համար ՀՈԱԿ-ի կողմից ֆիզիկական անձին վճարվել է 4,050.0 հազ. դրամ: Երկուստեք արժեք և 450.0 հազ. դրամը ՀՈԱԿ-ի կողմից վճարվել է ֆիզիկական անձի համար եկամտահարկ: Հարկ է նշել, որ վճարված գումարից 2,000.0 հազ. դրամը հատկացրել է համայնքի ավագանին 06.10.2017թ. N 109-Ա որոշմամբ, իսկ մնացած մասը վճարվել է ՀՈԱԿ-ի միջոցներից:

Հեղևանք

Առկա է անհամապատասխանություն «Գնումների մասին» ՀՀ օրենքի 23-րդ հոդվածի 1-ին մասի, 1-ին 2-րդ և 4-րդ կետերի հետ:

Առաջարկ

Ձեռնարկել համապատասխան միջոցներ գնման ընթացակարգերը ՀՀ օրենսդրությամբ սահմանված դրույթներով կազմակերպելու ուղղությամբ:

Համայնքապետարանի դիրքորոշումը

“Թիվ 4-րդ երաժշտատական դպրոց” ՀՈԱԿ-ի կողմից ձեռք բերված “BLUTHNER” մականիշի կոնցերտային ոռյալը, ձեռք է բերվել երկրորդական շուկայից՝ ֆիզիկական անձից: Մինչ գնելը ՀՈԱԿ-ը դիմել է անկախ գնահատող հանդիսացող “Ա.Գ.Էսթեյթ” ՍՊԸ-ին, որը ուսումնասիրել և ներկայացրել է հաշվետվություն, որ գործիքի իրական շուկայական արժեքը այդ պահին կազմում է 5 750,0 հզ. դրամ: Ինչպես նաև գործիքի հետ ծանոթացել են մասնագետ երաժիշտ կատարողներ, ովքեր նույնպես հաստատել են գործիքի որակյալ լինելու փաստը: Բանակցությունների արդյունքում համաձայնություն է ձեռք բերվել գործիքը գնել շուկայական արժեքից ավելի ցածր՝ 4 050,0 հզ. դրամ արժեքով և 450,0 հզ. դրամ փոխանցել եկամտային հարկ՝ որպես հարկային պարտավորություն: ՀՈԱԿ-ի գումարը չբավարարելու պատճառով դիմում է ներկայացվել Գյումրու համայնքապետարան և ավագանու որոշմամբ հատկացվել է 2000,0 հազ. դրամ երկրորդական շուկայից “BLUTHNER” մականիշի կոնցերտային ոռյալը գնելու համար:

III. ԱՅԼ ՏԵՂԵԿԱՏՎՈՒԹՅՈՒՆ

1. Համայնքի 2017-2018թթ. բյուջեների մուտքերի վերաբերյալ

Համայնքի 2017-2018թթ. բյուջեների նախատեսված և փաստացի մուտքերը ըստ տարիների ներկայացվում է աղյուսակի տեսքով.

Աղյուսակ-20 /հազ. դրամ /

Գյումրու համայնքի 2017-2018 թթ. բյուջեների եկամուտները				
	2018 թ.		2017 թ.	
	Պլան	Մուտքեր	Պլան	Մուտքեր
Հողի հարկ ֆիզ.	27,756.6	25,307.7	26,753.5	25,910.5
Հողի հարկ իրավ.	20,192.7	21,151.3	19,451.7	20,186.3
Գույքահարկ ֆիզ	64,509.3	66,514.9	61,641.4	66,024.2
Գույքահարկ իրավ.	31,885.8	35,215.8	32,351.4	33,226.6
Գույքահարկ մեքենա ֆիզ.	432,451.7	398,663.8	409,675.1	391,880.3
Գույքահարկ մեքենա իրավ.	10,177.4	10,712.7	10,735.3	11,606.5
Գույքի վարձ	36,103.7	43,137.2	34,973.3	38,472.1
Հողի վարձ. առևտուր	64,842.0	59,809.2	64,842.0	60,085.5
Հողի վարձ. եկամուտ	15,222.8	17,020.9	14,860.3	15,009.0
Հողի վարձ. ավտոտնակ	36,892.0	31,572.1	36,871.6	33,516.3
Խմիչք/ծխախոտ	29,412.0	27,060.9	30,228.0	27,517.7
Բենզին/գազ	14,100.0	13,514.4	13,500.0	12,950.0
Գովազդ	42,231.6	38,041.6	42,646.8	37,993.4
Ոսկի	1,800.0	1,525.0	2,000.0	1,850.0
Տաքսի	170.0	150.0	150.0	160.0
Շին թույլ	3,450.0	3,644.1	1,945.0	1,204.7
Տեխնիկական հեղուկ	840.0	730.5	750.0	587.5
Բացօթյա առևտուր	3,672.0	3,214.9	2,304.0	3,668.9
Ավտոկայանատեղ	0.0	0.0	0.0	0.0
24:00 ից հետո	2,675.0	3,125.0	2,100.0	1,675.0
Հանրային սնունդ	2,791.2	2,580.5	2,436.0	2,223.4
ՀՀ Համայնքների անվանումները ֆիրմային անվանումներում օգտագործելու համար	300.0	100.0	300.0	250.0
Աղբի վարձ իրավ.	83,682.8	86,463.0	81,987.3	83,800.4
Աղբի վարձ ֆիզ.	90,360.0	75,472.8	90,279.6	77,462.1

Աղբի վարձ շին.	7,463.5	1,294.4	3,000.0	1,756.7
Տեղական վճար	7,875.0	8,216.1	8,700.0	7,256.0
ՀՈԱԿ-ներ մանկապարտեզներ	166,105.7	174,001.4	114,525.7	120,069.0
ՀՈԱԿ-ներ արտադպրոցական	63,515.0	72,748.5		
ՀՈԱԿ-ներ թանգարաններ	1,594.5	1,027.3		
Մուտքեր տոնավաճառներից	60.0	132.0	40.0	15.0
Արխիվային փասթաթղթերի համար	170.0	4.0	140.0	116.0
Տրանսպորտ	8,000.0	8,700.0	26,250.0	25,500.0
Տուգանք	4,100.0	3,723.0	3,400.0	4,229.9
Ապօրինի շին. օրին	15,640.0	29,204.0	15,000.0	22,420.8
Պետտուրք	32,300.0	34,146.0	33,200.0	30,998.4
Այլ մուտքեր	6,500.0	6,677.7	5,055.3	5,117.3
Հողի օտարում	105,006.8	128,778.0	53,178.0	54,096.5
Գույքի օտարում	8,100.0	9,256.6	8,000.0	8,695.9
Ընդամենը՝ վարչական	1,328,842.3	1,304,602.6	1,192,093.2	1,164,739.5
Ընդամենը՝ ֆոնդային	113,106.8	138,034.6	61,178.0	62,792.4
Ընդամենը՝	1,441,949.1	1,442,637.2	1,253,271.2	1,227,531.9

2. Հողի հարկի վերաբերյալ

Համայնքի իրավաբանական և ֆիզիկական անձանց հողի հարկի բազաների ուսումնասիրությամբ պարզվել է որ.

Համայնքի բյուջեի հողի հարկը 2017թ. նախատեսված 46,205.2 հազ. դրամի դիմաց փաստացի կազմել է 46,096.8 հազ. դրամ, կամ նախատեսվածի 99.8%-ը, 2018թ. հողի հարկը նախատեսված 47,949.3 հազ. դրամի դիմաց փաստացի կազմել է 46,458.9 հազ. դրամ, կամ նախատեսվածի 96.9%-ը:

Համայնքի 2017թ. բյուջեի հողի հարկը պլանավորելու համար հիմք է ընդունվել 01.11.2016թ. դրությամբ բյուջեի հողի հարկի տարեկան հաշվարկային ցուցանիշը, որը կազմել է՝ 46,142.9 հազ. դրամ, որից 26,691.2 հազ. դրամը ֆիզիկական անձանց, իսկ 19,451.7 հազ. դրամը իրավաբանական անձանց մասով է: 2018թ. բյուջեի հողի հարկը պլանավորելու համար հիմք է ընդունվել 02.11.2017թ. դրությամբ բյուջեի հողի հարկի տարեկան հաշվարկային ցուցանիշը, որը կազմել է՝ 47,870.7 հազ. դրամ, որից 27,678.0 հազ. դրամը ֆիզիկական անձանց, իսկ 20,192.7 հազ. դրամը իրավաբանական անձանց մասով է:

Համայնքի բյուջեի հողի հարկի գծով վճարման ենթակա գումարը 01.11.2016թ. դրությամբ կազմել է՝ 77,087.8 հազ. դրամ, որից 68,094.9 հազ. դրամը ֆիզիկական անձանց մասով է՝ ներառյալ 14,396.1 հազ. դրամ ընթացիկ տարվա հարկի չվճարված մասը, իսկ 8,992.9 հազ. դրամը իրավաբանական անձանց մասով է: 02.11.2017թ. դրությամբ այն կազմել է 89,211.0 հազ.

դրամ, որից 80,627.1 հազ. դրամը ֆիզիկական անձանց մասով է՝ ներառյալ 15,429.0 հազ. դրամ ընթացիկ տարվա հարկի չվճարված մասը, իսկ 8,583.9 հազ. դրամը իրավաբանական անձանց մասով է:

3. Գույքահարկի վերաբերյալ

Համայնքի իրավաբանական և ֆիզիկական անձանց գույքահարկի բազաների ուսումնասիրության և հարկերի հավաքագրման ստուգմամբ պարզվել է որ.

Գույքահարկի գծով համայնքի բյուջեի մուտքերը 2017թ. նախատեսված 514,403.1 հազ. դրամի դիմաց փաստացի կազմել է 502,737.6 հազ. դրամ, կամ նախատեսվածի 97.7%-ը, 2018թ. գույքահարկի գծով բյուջեի մուտքերը նախատեսված 539,024.2 հազ. դրամի դիմաց փաստացի կազմել է 511,107.2 հազ. դրամ, կամ նախատեսվածի 94.8%-ը:

Համայնքի 2017թ. բյուջի գույքահարկը պլանավորելու համար հիմք է ընդունվել 01.11.2016թ. դրությամբ բյուջեի գույքահարկի տարեկան հաշվարկային ցուցանիշը, որը կազմել է՝ 461,731.3 հազ. դրամ, որից 418,644.6 հազ. դրամը ֆիզիկական անձանց, իսկ 43,086.7 հազ. դրամը իրավաբանական անձանց մասով է: 2018թ. բյուջի գույքահարկը պլանավորելու համար հիմք է ընդունվել 02.11.2017թ. դրությամբ բյուջեի գույքահարկի տարեկան հաշվարկային ցուցանիշը, որը կազմել է՝ 484,757.7 հազ. դրամ, որից 442,699.8 հազ. դրամը ֆիզիկական անձանց, իսկ 42,057.9 հազ. դրամը իրավաբանական անձանց մասով է:

Համայնքի բյուջե գույքահարկի գծով վճարման ենթակա գումարը 01.11.2016թ. դրությամբ կազմել է՝ 645,683.9 հազ. դրամ, որից 589,511.3 հազ. դրամը ֆիզիկական անձանց մասով է՝ ներառյալ 220,027.6 հազ. դրամ ընթացիկ տարվա հարկի չվճարված մասը, իսկ 56,172.6 հազ. դրամը իրավաբանական անձանց մասով է: 02.11.2017թ. դրությամբ այն կազմել է 713,458.5 հազ. դրամ, որից 658,441.3 հազ. դրամը ֆիզիկական անձանց մասով է՝ ներառյալ 222,177.8 հազ. դրամ ընթացիկ տարվա հարկի չվճարված մասը, իսկ 55,017.2 հազ. դրամը իրավաբանական անձանց մասով է:

4. Գյումրու համայնքապետարանի աշխատավարձերի և շահագործվող տրանսպորտային միջոցների վերաբերյալ

ՀՀ Գյումրու համայնքի ավագանու 2016 թ. նոյեմբերի 10-ի 177-Ա որոշումով հաստատվել է 2017թ. համար համայնքապետարանի աշխատակիցների թվաքանակը, հաստիքացուցակը և պաշտոնային դրույքաչափերը: 2017թ. համայնքապետարանի աշխատակազմի աշխատողների հաստիքները համալրված էին 665-հոգուց, աշխատողների աշխատավարձերը և հավելավճարները տարվա կտրվածքով կազմում էր 675,301.0 հազ. դրամ: Սակայն համայնքապետարանի 05.05.2017թ. ավագանու N56-Ա որոշումով ստեղծվել է ՀՀ Շիրակի

մարզի Գյումրուի համայնքի «Գյումրու կոմունալ ծառայություն» համայնքային բյուջետային հիմնարկ: Համայնքապետարանի կոմունալ ծառայության համայնքային բյուջետային հիմնարկ ձևավորվելուց հետո, 2018թ. համայնքապետարանի աշխատակազմի հաստիքները համալրվել են 280 հոգուց, որոնց աշխատավարձերը և հավելավճարները տարվա կտրվածքով կազմում է 335,707.0 հազ.դրամ:

«Գյումրու համայնքապետարանի աշխատակազմ» ՀԿՀ-ի կողմից կատարած փաստացի ծախսերը ըստ հոդվածների, 2017թ. դրությամբ կազմում է 59,033.6 հազ.դրամ, իսկ 2018թ.75,187.9 հազ.դրամ:

2017թ. դրությամբ համայնքապետարանի աշխատակազմում առկա են թվով 19 միավոր տրանսպորտային միջոց, որոնցից շահագործվել են 16-ը: 2017թ. փաստացի թվով 16 միավոր ավտոմեքենա, և համայնքապետարանի կողմից կնքված պայմանագրով, անհատույց շահագործման իրավունքով հանձնված թվով 17 միավոր ավտոմեքենա և շահագործվել է, որի ընթացքում ընդհանուր ծախսվել է փաստացի ձեռքբերված 8800 լիտր բենզին տեսակի վառելիքից 7660 լիտրը և 62340 խ.մ. սեղմված գազ, որոնց մեքենաների վազքը ըստ հաշվետվության և ուղեգրերի կազմում է 405,365 կմ:

2018թ. համայնքապետարանում հաշվառված թվով 19 տրանսպորտային միջոցներից շահագործվել են թվով 13-ը, անհատույց շահագործման իրավունքի պայմանագրով և 8 տրանսպորտային միջոց շահագործվել են համայնքապետարանի կողմից, որոնք հանդիսացել են համայնքապետարանի աշխատակիցների անձնական օգտագործման մեքենաները: 2018թ. դրությամբ ձեռք բերված 8000 լիտր բենզին տեսակի վառելիքից ծախսվել է 6320 լիտր, իսկ սեղմված գազ 45170 խմ: Բենզինով և սեղմված գազով շահագործվող մեքենաների վազքը ըստ ամսեկան տրված ուղեգրերի և հաշվետվությունների կազմում է 304863 կմ:

5. Համայնքի հողային ֆոնդի վերաբերյալ

Համաձայն քաղաքային համայնքի կողմից ներկայացրած տեղեկատվության՝ համայնքի վարչական տարածքը կազմում է 4429.5 հա, որից գյուղատնտեսական նշանակության հողեր 413.58 հա, բնակավայրի հողեր 2712.45 հա, արդյունաբերության, ընդերքօգտագործման և այլ արտադրական օբյեկտների հողեր 366.39 հա, էներգետիկայի, կապի, տրանսպորտի և կոմունալ ենթակառուցվածքների հողեր 423.02 հա, հատուկ պահպանվող տարածքների հողեր 94.11 հա, հատուկ նշանակության հողեր 256.39 հա, անտառային հողեր 150.84 հա, ջրային հողեր 12.72 հա: Համայնքային սեփականության հողերը կազմում են ընդամենը 3742.28 հա, որից գյուղատնտեսական նշանակության հողեր 413.58 հա, բնակավայրի հողեր 2668.44 հա, արդյունաբերության, ընդերքօգտագործման և այլ արտադրական օբյեկտների հողեր 360.81 հա,